

晚

晴

移

詩

匯

晚晴移詩匯卷七十二目錄

胡天游 三十四首

李錯 十三首

屈復 十首

查禮 十九首

張鳳孫 四首

沈彤 六首

陳黃中 二首

程廷祚 二首

馬曰琯 五首

馬曰璐 二首

易宗瀛 二首

易宗潛 二首

陳景中 二首

晚晴簃詩匯卷七十二

徐世昌

胡天游榜姓方一名騃字雲持一字稚威浙江山陰人  
副貢乾隆丙辰舉博學鴻詞己巳舉經學有石笥山  
房集

齊次風曰曩者詞科之設海內徵士二百餘人畢集  
京師才學各有專長而言詩文工且敏者磊落擅奇  
下筆縱橫矯挺不屑屑屑胡常襲故雄聲環瑋足與古  
作者角力必首推山陰胡子稚威及召試疾發卽藁  
筆出士論惜之又十餘歲詔舉經學公卿以稚威薦  
九列中有忌者沮之以是終不遇又數歲客死山西  
朱梅厓曰稚威於文工四六偶儷詩亦雄健有氣  
其古文自言學韓愈澀險處似唐劉蛻元明善非其  
至也然自喜特甚桐城方苞爲古文有重名力詆之  
前人如王士禎朱彝尊詩文徧擬其疵病無完者士  
大夫皆重其才而忌其口袁簡齋曰稚威所爲文  
絕涯涘窮攀躋而爲之好爲魁紀公冢數險澀陷盤  
觴耦不作如縻韜缶鼓靜夏堯樂如古  
冢簡荒厓碣得認一字羣儒相揖而賀

詩話雅威才名爲丙辰徵士之冠奇情逸藻才與學相濟而成包安吳論其文謂機括在乎換成言節助字雖屬知言而不足以盡之詩則古體取逕韓孟以窺杜陵之奧近體七律導源玉谿思力風骨俱勝在雍乾間故應俯視流輩

秋日作

蟋蟀語中宵凄切不肯休微物爾何知亦與時節謀雖未入牀下已復在戶陬似道寒氣深催人理衣裘嗟哉無襦客破葛懸牀頭高歌但竟日晏默何所求

秋尋陽明洞遂登羣峯

越人誇越山山不懸別州心膽厯塵泥尺步封鴻溝勇腳攀元寥圍環躡刀頭盡剖大腹壯橫得孤眼收俯海沈淝崿策日旁逗留溪招白鶴風柁鼓元氣舟詫歷天外事恍惚亦不愁焉知腥霧中擾擾蟲蛆浮青城蜀丈人偃蹇羣

岳趨會稽佐誰命貳雄炎祝儲元氣黼黻氛鏘出爭闐如  
尙諳山中人。不轡名勢車石屋蹲蝦蟆關偶無雨俱洞天  
碧浮浮浮浮鎖匏壺壺中無雜仙仙仙殊壤都一氣何是  
非未肯忘秦吳野僧枯杉紋鱗石龕猿狙飛羅七條衣蕨  
鉢饑磨茹安知從來客撻雲抱香鑪完樸餘一巢庶以鄰  
太初、

送秦涇幼湜歸邵陽

相士常苦衣相馬常苦肥古來豈不然勿謂今更非秦士  
焚舟來超乘爭騰希自許一戰霸空振干鈞機仍將片葉  
身遠向灞岸歸灞陵夜半雪南山奪光輝勾芒遲遲春倉  
庚鳴不違浮雲浩茫茫安知所從依謾謾秋樹林下有雙  
石扉逸竹闕青火亦足忘寒饑去矣勿歎嗟各自從風飛

溧陽公於城西祠禱雨卽次展候因徧游齋院中

靈祠抗龍首崇覆凝丹堊森壁寒霧姿嚴旂振風魄柏寢  
鬱疑沈煙楹轉成積國縈表威虔年祥寄明職誠軌諒斯  
臻鴻羊緬猶陟閒房香林外一磬通幽跡曙鳥散餘喧無  
人深草色由來闕宮籞荃宰勞蠲幅中谷已云憂周原沛  
應惜望望西郊遠稍稍重林迆涼緒結疎條亭皋虛靄白  
庶幾及旋軫展眺收清滌

秋夜松吹書堂作呈堇浦翰林

悄然孤松夜不起虛堂聲淒從主人心飈籟含瓊鳴空濤  
洗白月天地呈溲清有言不爲秋焉能爽神明有文不爲  
金焉能鏗華英君子壁四陲永世刊俗情鐙光豔紅花波  
浪沄沄生素琴雖未張可以聽和平

將登華岳

州九岳登四時落古人後奔迫塵埃際舉動礙樊囿放意  
知何投萬仞俯遙宙心胸稱豁達蛙黷失戰鬪憶昨龍爲  
年日月會龍虺屐凌泰山頂回瞰浩難究海日積微金凍  
瀑點清漏置身鴻濛前真氣入膚腠問天嬾搔頭唯有青  
買買客途時方窮忘顧饑餓救痛哭時一發狂疾如愈灸  
風吹馬耳疾久換面目瘦翔翔二十載盡計祇成謬鬼神  
多絆攬世事靳相授豈無登臨富奇偉足自儔華山此家  
也功德終古奏三峯不到地引手入吾彀思從造其巔畢  
覽著懷袖乾坤白顥顥一世藏隘陋整身理筋骨懸鐵引  
可採捷想下上間輕於挂猿狖

烈女李三行

大海何漫漫千年不能移泰山自言高精衛銜石飛朝見  
精衛飛暮見精衛飛吐血填作壑一旦成路蹊豈惟成路  
蹊崔嵬復崔嵬女面潔如玉女身濯如脂十四頗有餘十  
五十六時婀娜環春風明月初徘徊門中姊與姑鄰舍雜  
姥嫠人笑女無聲人歡女長嘯昔昔重昔昔皴痛不得治  
有似食大鯁禍喉連脅臍阿母喚不應步出中間閨女身  
亦非狂女心亦非癡向母問阿爺阿爺誰所屍昨日門前  
望裂眼甯忍窺爺仇意妍妍走馬東西街我無白楊刃鍛  
作雙虹蜺磨我削葵刀三寸久在懷一心願與仇血肉相  
齧讐仇人何陸梁挾隊健如犛前者爲饑狼後者爲怒豺  
小雀抵黃鵠徒恐哺作靡大聲呼縣官縣官正聾蚩宛轉  
太守府再三中丞司堂皇信威嚴隸卒森柴崖安知坐中



間一一梗與泥何由腐地骨鬼笑回牙欵孤小不識事聞  
人說京師京師多貴官列坐省與臺頭上鐵柱冠獬廌當  
胸栖獬廌角嶽嶽多望能矜哀局我頭上髮縫我當躬衣  
手中何所將血帛斑斕絲帛上何所書繁霜慘濛埋細軀  
誠艱難要當自防支女弱母所憐請毋毋攀持今便辭母  
去出門去如遺是月仲冬節殺氣爭驕排層冰塞黃河急  
霰穿毛錐大風簸天翻行人色成灰夜黑不見掌深林抱  
枯枝三更叫鵲鵲四更噪狐狸五更道上行躑躅增羸飢  
舉頭望長安盤盤鳳皇陴下著十二門通洞縱橫開持我  
帛上書鬻我囊中袿跪伏御史府廷尉三重墀尙書幾我  
我我我唱騶歸頭上鐵柱冠獬廌當胸栖獬廌卽無角豈  
與羣羊齊李女倚柱嘯白日凋精輝結怨彌中宵中宵盛

辛悲有地何博博有天何垂垂高城不爲崩高陵不爲隳  
爲遣明府來明府來何遲長跪向明府淚落江東馳女今  
千里還女憂終身罹女誠不敢給願官無見疑父寃信沈  
沈沈沈痛無期一日但能爾井底生朝曦死父地下笑生  
仇世中刳顧此弱賤軀甘從釜羹炊語中難成聲聲如繫  
庖糜明府大嗟歎嗟歎仍歔歔翻翻洞庭波洞庭非淵洄  
嶄嶄卽崦坂九折無險巇我今爲汝尸汝去行得知爺仇  
意妍妍舉家忽驚摧勢似宿疹發驟劇無由醫同時惡少  
年驅至如連雞銀鐙押領頭畢命填牢陞有馬空馬鞍永  
別街西馗叩首謝明府搗骨難相貽昔爲羝乳兒今爲箭  
還鞬遙遙望我里我屋荒茆寡母倚門啼啼於杞梁妻  
女去母啖柏啖柏今成飴雖則今成飴母悲轉難裁女顏

昔如玉女髮何邪邪女口含朱丹女手垂春萸哭泣親磨  
沙面目餘癢剗宛宛閨中存黧疾疑病罷姑姊看女來簪  
笄不及施鄰姥看女來左右相呼攜各各自流涕一尺紛  
漣洎鄰姥少別去媒媼從容來三請得見女殷勤致言辭  
公子縣南居端正無匹儕金銀列兩廂纖紈不勝披身當  
作官人華榮灼房幃頗欲得賢女賢女勝姜姬回面答媒  
媼身實寒且微無弟無長兄老母心偎依所願事力作澀  
指縫裙屐安得隨他人乖違母恩慈母年風中燈女命霜  
中葵須臾母大病死父相尋追棺槨安常中起墳遂成堆  
一一營事訖姑姊可前來爲我喚長老長老升堂階爲我  
召鄉鄰鄉鄰麋如圍十歲隨爺娘幼小惟癡孩十五銜沈  
冤灌鼻承醇醢二十行報仇報仇苦且危三年走大梁趙

北燕南陲女行本無伴女止亦有規皎皎月光明不墮濁  
水湄斑斑錦翼兒耿死安能翳自此旋入房重闔雙雙扉  
朱繩八九尺挂向梁閒顏鮮鮮桂華樹華好亦何奇葳蕤  
揚芳馨生在空山隈烈火燒崑岡三日夜未衰大石屋言  
言小石當連蓋蕭蕭泣蕙草萬族合一煤燒出白玉姿皎  
雪寒皚皚玉以爲女墳將桂墳上栽夜有大星辰其光何  
離離錯落桂樹下千年照容徽

### 游子

游子昔出門春暉猶未闌依依萱草花一步三迴還游子  
今出門白日忽已寒高堂如舊時不見堂上顏羊腸盡繞  
下堂路今日轉悲離別難

游子昔歸來歡迎倚閭色能於凍雪底引得春風直游子

今歸來華姿正徘徊春風若有淚獨勸游子揮不如天涯  
無還期不見春風傷客時

同張明府泛五姓湖有懷眞谷山長

百頃風漪當面起下馬就船三十里五月清涼無處尋赤  
日青天歸淨洗主人好客復愛奇曉郭邀出臨空陂微茫  
未辨野岸闊颯爽但信迴颿吹幾岢駕槳船窗倚舟子鳧  
雛相向喜曠觀不復礙波瀾幽思何如被蓮葦擢入陂心  
渺無極浮虛浮翠皆生白琉璃看作地上行翡翠來從浦  
邊直裊裊融融動偏側陰挿中條陂底黑倒入珊瑚盪陂  
色朝暮西南煙霧積蔓牽藻荇平於席玉醪哀絲催轉劇  
樂事貧窮喚打魚漁舟出沒捷若驅未知蛟龍有擾怒尺  
尺失水觀須與赤尾銀刀雜相送餚盤揮霍行鮮供日暮

陂深愁奈何杳冥忽驚波浪橫奔雷舉扇卻可麾鬼神有  
意同清機雨飛知向何處黑鷺瞑悄立沙溼微舵樓傳鐘  
崖寺暗嶺樹挂月高城輝扶醉歸來嗔兩炬清景迴頭失  
相遇少昊祠南煙草深忽憶春星醉邊聚有無變化也復  
多抹眼人間飛電去

漢杜陵五鳳銅行燈槃歌

銘曰五鳳二年河東嗇夫  
山工友爲甘棠上林宮造

銅行燈槃重五斤奇二兩鄒學  
士長安閭市得之要予作歌

井燄沈然滅火久風歌淪唱四方守祇憐舊夢去無迹尙  
怪此槃今在手摩挲背面三反覆俯仰興衰一論取究觀  
銘篆推甲子上逐金人爭老壽斑斑澤暗蠟痕熱帖帖寒  
侵月華殷微微過雨潤生翠庚庚當几橫沈黝紋花蹙蹙  
少紫纔蠻鼓琤琤殊夏釵故非山林記汲縣僅異款識書

元舅七葉天扶病已立五鳳盛繼元封舊闕中三月集鸞  
鵠海內百戶歡牛酒薦嘉靈時合神鬼賜璽名王侍銖婁  
屬車夜臨屬玉觀鹵簿春上池陽藪婕妤姪娥持挾筆黃  
門舍郎導先首熒煌炫轉燭天地熊虹輝煥迷宵晝頗哀  
曾孫出襁褓甘絕屬籍蒙誅醜皇皇獄邸託胡組時時鬼  
火吹陰差更無死灰然宿爨豈有餘光被幽杻買餅市門  
徵博進鬪雞下杜驅收狗歸來熬棟自迴照幸免鑿壁增  
嗤詎潛鱗忽然雷電激萬騎乍覺風雲走甘泉上林備物  
御技巧工匠窮斤鏤華繁豹脂引裂缺寶炬螭蟠動蚴蟉  
嗇夫初聞許廣漢作者近役山工友長懸日月照庭殿盡  
擁星辰衛軒囿寶劍何年礪陵岸金碗相將發隴畝永辭  
地市腸一斷散擲人間淚添垢柯摧帶折意誰惜轉綠迴

黃色空慟由來世事難度料略省人物同遭偶得時失時  
易虎鼠翻手覆手奚思咎光輝早侍萬乘側流落豈計千  
春後更尋轉徙餘歲月詎識完朽歸誰某往時舟彝紛錯  
落遞閱年載遺十九風花水浪原不定游塵野馬終烏有  
古人但恨不可望遺物聊憑吟在口殘缸暈喜燦紅語凍  
硯呵寒僵禿帚不知咿喔唱黃雞已過闌干傾北斗

萬泉歎

厚地無底不可穿掘井設尺空到千諸村百鄣共一渴雙  
澗但遶孤城邊縣人已病耕土瘠縣名更似相欺得夏資  
飲雨冬聚雪涸沐尙爲糜釜惜苦辛未蒙長官識轉苦迴  
甘誰氣力安得抽刀刺疏勒

古柏行



柏狀久知天所恣勢到三株不容四依稀年向百歲時親  
見唐家晉陽事左傾右跌兩無檢欲僵不僵自相險其一  
正直不少貶鬼神偷撼更不敢鉅腹對剖或仰袒地力掣  
拔遭皴瘳橫紐生銅作筋縷突乳銀砂簇癭癰黛乾翠禿  
精靈富骨黝態沈情性儼莊周柳下殊介肆節意高古同  
無忝廊廟之具屯始亨必論出處賢人貞久從獲落不自  
惜呂牙五穀皆晚興雪飽霜酣慘遭際裂缺紛虹閃騰會  
時棟終知應帝王奇材自古資天地公輸不來亦偶然灑  
落自可全其天向來造物信難測抱巨用小徒速遭祠前  
泓湫有龍蟄夜深爪拽雷雨出黑雲沈侵髓香溫靈呵神  
扶柏間立有無變化疑脫然萬古空山頓成失

賦得明妃三疊

明妃生照楚江清豔比天邊明月明尙愁金屋汙仙骨絕  
代豈爲呼韓生龍堆雪捲黃沙雨偏著春風雙黛嫵定知  
造物惜紅顏故使漂零擅千古君不見邯鄲人家施薄朱  
暮倚市門朝佩珠可憐光采霸天下何恨當年衛子夫  
明妃一顧已傾城紫臺遠去轉娉婷鳴駝嘶馬雜羌語夜  
夜朝朝那可聽天低海水西流處獨有琵琶堪喚語斷絲  
枯木本無情猶勝人心百千許幽怨聲聲解與傳自憐意  
態驕神仙生不得當茂陵赤帝眞龍子乍可巫山峽月空  
嬋娟

明妃初向長門入窈窕無心矜獨立自然動影迴春風璫  
鬢薄洗巫雲濕六宮良家五陵子容華多少誇桃李齊聲  
卻步稱第一今朝爭爲甘心死婦人妒色恆自持尙令忘

如前相悲如何瓊豔映海日近出珠櫳人不知以圖索馬  
安有馬況是丹青不能畫畫師長安市上兒一生解貌東  
家施黃金縱使不相責鄙人詎識天人姿昔疑漢妾今焉  
支妾身分明不淚垂玉顏一爲他人得枉是千金莫贖時

### 昌平行

龍車羽衛無人使野父醵錢葬天子昌平吏目縞素來金  
棺手扶歸地市哭聲是日山谷裂故主遺黎痛有此百年  
事在隱爭傳豈有人間變青史殺機天發盜移國一夕鼎  
湖龍墮尾公卿各矜降賊憤勸進轉多顏色喜恨恨何人  
悲送故堪問金仙淚如水七月暗枯同軌日發喪詎省前  
王禮畫虞祕器蒙露辱容車劍戶看已矣義抱伸歸喪亡  
後怪字書徧乾坤徙萬古頽雲激雪霜一代諸陵見終始

號聞杜鵑偷再拜樹老冬青終不死昌平之行傷客心悲  
風怒振蒼山起

三江插

青天初破險白馬竟當秋眾水千年會重溟一氣收遠懷  
秦太守高轉蜀江流疏鑿微茫外星辰永夜浮

晉陽

風景無并塞郊原得晉陽供人遺稻熟遮路棗槐香儉意  
多諳俗持生各抱方翻思戎馬際自昔有飛揚

塞上秋日倡巫伎人集無近遠婆娑歌舞接朝夕合  
唱悽動舊俗以地多戰死爲之賽祀吹響流感娛  
殤魂慰厲怒祈保歲穀蓋餘風遺音至今

打鼓錦蛇斑翎花綵帶翺神絃秋樹裏青嶂國殤還歲得

虛疑定魂招祇未關婆娑自遺俗歌咽幾紅顏

塞上觀落日

落日與天傾天連塞草晴看從沙上汲翻似海邊生慘淡  
開紅燒虛無戀遠明何人把羌管先作月中聲

賈太傅

曠代憐才子經時賦旱雲楚騷兼與恨秦過竟誰聞萬里  
乾坤眼三年草木羣蒼生屬相借高論豈徒殷

春晚出郭送溧陽公歸葬江南述感

望到郊門萬古愁歸來城府颯清秋閱人華屋更相待流  
涕哀箏併自休陵處可應成下馬路分猶怕近西州川原  
便逐東風改會有心期白日留

槐碧幢新舊燕歸不逢家令已成悲難爲東閣重來日堪

憶三朝晏起時

游每晏起公早至齋中就坐牀側論事不責其簡常以比安石梳頭對宣武又公逝

後其第爲太宰劉公之居劉公仍掃舊館待游義所不忍卒謝去

白首青山終一隔滄波

丹旄恨俱移敢辭垂老仍羈賤淚濕生金續蔡碑

作公神道碑銘

一夢從公十載深塞雲關雪換朝陰噓枯地覺無餘恨留

落天疑直至今經共任安終託意早成疏傳欲歸心

先是數公

開府于外有重幣見迎者游以從公竝堅謝聘使游于庚申歲卽勸公乞身歸休尋至乙丑冬爲作奏因決致仕

兩嗟蕭瑟東風外盡與傷春變楚吟

冠劍行看欲就封過門爭感舊時龍人間梓器身何恨病

後楹書墨尙濃春水帆檣星斗氣晚花賓客雨雲蹤苦爲

怨句裁還得愁對青雲阮仲容

吳越武肅王廟下作

長鯨一劍八百里落雁千都十四州河外赤符終奉漢江

陵玉馬本朝周花開陌上香車杳衣卷山前錦樹秋安得  
英雄萬強弩天邊更爲轉灣頭

閭闔

五華城闕九光樓閭闔逼肩隔世愁把鉞幾曾迴暗虎服  
箱從此到牽牛星辰獨傍中宵渴雲雨安知下界休帝所  
會應無宋玉白榆凋盡不悲秋

層城

欲倚層城俯八垓手掇雲雨轉璇魁終疑上帝難容諫便  
恐神仙亦妒才世界古來餘一粟昆明夜半又飛灰思量  
惟有人間樂醉看貂蟬向大槐

牡丹

幾夜明薰玉有神翠幃扶起態沈沈難爲不負東風地直

使能移一世心睡去尙愁肌麝重折來猶覺眼波深相看  
爭忍旋拋卻一寸斜陽一寸金

送別上人游蜀

上人本儒生一夕忽出家數載後來見卽別去

關門累月不梳頭行腳須臾過趙州已分禪心安白足尙  
貪詩句寫紅樓故人好在曇無懺鄉里還呼許散愁地埽  
峨眉從此去定身休作樹中留

秋日西興舊關口登樓眺望浙江感懷

吳胥越絕雨飛蟲何止鼃濤落手中萬井過江丹晝濕大  
荒浮海碧蜺空催寒一帽衝新雁橫笛千山入晚風歲歲  
勞勞關外客暫偷閒望恨無窮

送謝侍御赴長沙

帳底吹簾夜解圍劍炊刀淅雨危機請來斬馬平陵去看



徧黃羊屬國歸物論清流幾人是書成孤憤舉時非戟髯  
強項生平意坐映江山合有輝

曉行

夢闌鶯喚穆陵西驛吏催時雨拂衣行客落花心事別無  
端俱趁曉風飛

李錯字鐵君號鴈青漢軍旗人乾隆丙辰舉博學鴻詞

辛未舉經學有曉巢集

秦樹峯曰曉巢集淵然以古炳然以則浸淫乎漢魏  
初盛唐諸家而歸宿於少陵其品亮以潔其志宏以  
遠其氣廉以平其詣邃以深

詩話明季將家而麻東李而甯遠戰閭尤著父子迭  
領將印陳卧子詩所謂李氏功名猶帶礪斷垣落日  
海雲黃者是也入國朝後其裔猶貴顯鴈青獨不欲  
以世祿進隱居盤山自號幽求子又號焦明子杜門  
著書經有原易春秋通義史有尚史與石東村永甯  
同舉經學望溪爲作二山人傳詩朱絃疏越時存雅

音海峯論選愿朝詩持擇頗嚴而七言古詩錄鷹  
青之作蓋以其力趨正軌可與入作者之林也

### 雲岡寺

黃金易銷木易朽卽山作佛佛乃壽五丁風斤齊琢剖一  
峯破碎萬象有四十七尺身獨尊三萬六千日何久崔浩  
已死可若何後之君子揚其波

### 山海關

關路無人雪自消興亡千載一昏朝島門失勢魚龍震亭  
障乘秋虎豹驕白草已堙先軫血青天誰奮伍員潮可憐  
萬里緜秦塞不救咸陽赤土焦

### 鳳皇山

鳳皇山上疊瓊臺絲管年年曲宴開五國城頭霜夜角朔  
風辛苦莫吹來

登北極臺

含睇高城接渺茫，飢烏飛噪古臺荒。  
沙連秋水寒皋迴，山擁晴雲落日黃。  
邊塞關心雙寶劍，親朋滿目一空囊。  
十年不偶伶俜影，賓戲眞難答省郎。

鯉石行

吾聞東海之鯉能變化，湖山飛越唯須與。  
此石形狀苦神似，往者母乃眞巨魚。  
怒目輪囷大於斗，鼓鬣振鬣勢欲走。  
倚峽猶飛失水心，衝天直奮吞舟口。  
慘澹風雲入顚顚，土花石蘚空鱗次。  
江湖何日得相忘，螻蟻能無受其制。  
陰潭秋雨沈沈急，龍母叫嘯鮫人泣。  
君不見朽瓜烏足何太神，解化江魚與胡蝶。

贈李雄李庫兄弟

束髮承恩領邊務長劍劃破陰山霧從行李氏四十人兄  
弟今存雄與庫曳杖相逢村樹邊把手殷勤問新故君年  
十八今五十人生信如草頭露邊霜如刀割人面猶記當  
時逞雄健異身同命走殊域手指墮落心無間卽今垂死  
骨髓枯一中秋風肌肉顫語罷淫淫涕如霰不死他時再  
相見感之贈以錢一串亦知賤子長貧賤

坐仙人橋望西峯紅樹

白雲之半西峯西秋樹十萬紅錦披紫金交注寶絲網碧  
海晴擁珊瑚枝西風泠泠時中之雲璈宛轉清商移采旄  
颺雲巫女下豹旗揭兩山鬼嘯枝枝葉葉迎薄寒山僧野  
客爭來看關河歲晚金氣肅青帝假爾丹砂顏外方作態  
中則病色若可憐心不競山煙欲暝嚴霜飛松柏蕭蕭有

本性

雪後踏雪聽倒影潭水

野雞亂印前溪步  
槎牙玉削沙頭樹  
芒屨踏雪雪不汙  
捷關西南人潭路  
羣動蟄伏萬籟暗  
飛空激響潭流深  
黃鐘大呂方並扣  
金奏地下驚欲走  
我有深情久相對  
青藤杖擊層冰碎  
烏黔鵠白天不移  
湛然獨立空明外

題李衛公待渡圖

太原公子方隸軍  
藥師卻渡黃河津  
津津頭蕭蕭風雪暮  
亦是尋常行路人  
驚龍怒虎易形似  
難畫英雄當此際  
常山太華隱欲動  
千尺光芒垂至地  
短衣長劍寄髯髯  
妙處胸中如有物  
赤雲敢擊天子氣  
黃金待鑄通侯骨  
嗚呼丈夫古來抱  
奇詭宛轉幾人巖  
下死射鉤倘惡晉  
公子驂騑又

死鹽車底

古藤歌

葛甥東園餘古藤十年委棄棲陂芳支離不死亦不生根  
蟠元氣猶支撐枯條高折兕角禿朽腹半裂魚膏青有時  
一花兩花發流蘇倒挂紅絲繩沈精陰脈自得主枯苑不  
假春風能一朝移根忽我寄僮父邪許牛車勝白茅用藉  
索以約龍胡或見髯鬚鬢雲中飈舉帝子下邱園帛賁徵  
君行城南沃土買百簣活水遠汲長河清封殖灌漑不遺  
力高杉復架藤花棚酌君杯酒慎莫死老夫與若聊相憑

新竹歌

少年日作江南游大竹小竹青滿眼菅茅土苴不足惜樵  
父編籬漁作斷薊邱在昔植汶篁不信於今此物罕豐臺

土膏頗潤溼人奪天工尙強勉西施在越了不覺異人寄  
趙珍無算青錢一百裁一本琅玕琬琰矜殊產王猷宿好  
老不已購之不惜衣裳典鹿車鱗鱗爲我輦老竹如麻雉  
子短晨昏芟剔手自護已療山翁十年懶三月春風冷然  
善江煙水色紛蕭散忽然移我三湘遠

焚詩歌爲石東村作

古詩舊說三千篇未必皆是宣尼刪河清菅蒯頗可誦春  
秋交聘猶能宣逸而不逸誰則主少者爲貴翻爭傳石君  
一旦過我門道腴義勝來驕人生平爲詩不知數告我草  
藁今通焚丈夫猛捷貴有斷龍蛻不惜黃金鱗君看笙詩  
無一字東氏補之成贅文我聞此論駭卓絕至人之跡神  
其滅白賁无咎世莫訐脫身天外窮毫末吁嗟乎君休矣

寶華玉氣恐不死或有人間傳片紙

聞歸雁感賦

畢竟家何處而云北是歸高城殘照下萬里一行飛風急  
毋相亂沙寒定有依畸人方失序緣汝淚霑衣

屈復字見心號悔翁又號金粟道人蒲城人乾隆丙辰  
舉博學鴻詞不就試有弱水詩集

詩話悔翁本楚系而家於秦足跡半天下豪宕感慨  
一寓之詩所作原本漢魏貫串三唐不屑屑依傍他  
人門戶卓然成家論者謂  
如鸞鳳之音非鸚鵡之語

無端

春染流雲綠芳煙橫高樓蕭蕭征馬鳴浩浩佩吳鉤紅塵  
蔽天地江湖萬里游驛路逢婦人流離在崙邱飢寒尙無  
濟乃言千歲憂野田花亂開晚風冷於秋無端此一身白



日過人頭

楊司寇在駕寓齋

陸沈愧通識荒謬悖時彥置茲涼炎區卽理鵷鷺賤高軒  
一以臨高言飲食棟砌苔延古意眾籟潔庭院艱哉何巍  
巍出處蘊深鑑誰能慎所守隆持表獨善月露濯煙埃疎  
雨洗河漢因心結素雲驚飈吹不散

過流曲川

子聞諸父老云順治六年大同總兵官王

副我以恢復愚民民壺漿香花但云迎王將軍不  
知有高也明倫堂設思陵位補行喪禮父老白衣  
冠痛哭畢大宴日不圖今日復覩漢官威儀吳三  
桂兵至戰於流曲川煙塵蔽日呼聲雷動屋瓦皆  
震父老意必勝舉酒相賀時王新募皆三邊勁卒  
敗諸朝再戰作北散甲馬軍器盈野王士卒爭利  
陳亂卽縱兵急擊高竟拔營去王大敗走死城中  
守益力吳圍城不攻親語守者云汝不聞梁晉交  
兵乎姑降我破果至又降未晚父老始知是三桂

指名面數曰國家何負汝而汝如是言甚毒且俚  
發大礮擊之幾中吳怒力攻屠之死者十餘萬人  
康熙丙寅予始經行此川川  
在邑城西六十里屬富平縣

迴風陷日天如夢流曲川平暮塵湧行人馬嘶古道傍離  
離禾黍旌旗動殺氣騰凌古戰場前嘯鵠鵠後鵠鵠降將  
雲臺曾未聞三邊俠骨空自香豈知到海涇渭血寒潮不  
上天山雪井底蛙聲竟何在十萬游魂哭夜月滿地閒花  
落新愁至今河漢皆東流同入蒲城化爲碧仙人掌上芙  
蓉色

紅芝驛

流賊李自成追緝紳餉無者悉殺此驛清  
流之禍咎將安歸吾偶過其地竊有感焉

紅芝驛前楊柳綠千枝萬枝風謾謾江山謹具追餉時有  
身無首當怨誰甯武關頭血成碧金馬玉堂好顏色胸中  
甲兵七篇錦能多武功無慙德西山薇蕨留餘香聞說夷

齊下首陽今日春風不忍見桃李花開古道傍東海空蹈  
魯連節邊頭枉嚙蘇卿雪淚盡終南猶未傾秦淮煙水漁  
陽月

梁園懷古

龍香可尋隔雲蒸紅愁綠慘猶未歇著處晴煙嬾碧蘿盡  
日春風叫鴉鳩數株殘柳不勝情野花斑斑照宮闕樂府  
新歌一字無黃河流水一朝掘蛇老精靈引虺過寒影荒  
地墮秋月

謁楊椒山先生祠

冰玉丰姿尙凜然信都遺廟古城邊每於樂府聞鳴鳳何  
似深山哭杜鵑市酒有香行客薦霜威清野曉光圓永陵  
宮殿依然在莫載靈旗北過燕

明妃

陰山一去紫臺空  
環珮何勞怨朔風  
漢帝六宮春草碧  
只今誰在畫圖中

古寺

古寺無僧白晝陰  
重來淒斷百年心  
青山不改春風路  
黃葉蒼苔一尺深

寺宿

西風滿天夜古寺  
水雲間松際露新月  
窗中堆亂山詩書  
無佛果鐘磬向人閒  
獨坐寒窗下樊川一雁還

廬幕圖

湘江白雲流寸草  
心何有結茅傍青山  
苔痕化三秀白雲  
日以遠松柏日以茂  
靈芝日以榮歲月忽已久  
歲月忽已久

久遺書猶在手鬱鬱松柏枝上巢慈烏白慈烏繞隴唳人  
靜葉花厚此圖卽蓼莪老淚穿衣袖

查禮原名爲禮又名學禮字恂叔號儉堂一號鐵橋宛  
平人乾隆丙辰舉博學鴻詞由戶部主事官至湖南  
巡撫有銅鼓書堂遺藁

詩話儉堂爲蓮城弟年十五卽以能詩名從其兄讀  
書水西莊與海內名宿尊酒唱酬其少作類皆清新  
婉約出自性靈服官後之作才氣駿發蔣心餘懷恂  
叔詩有云瘁鄉三十年鐫詩遍巖壑又題榕巢圖有  
云山川幾處借雕鐫木石居然無廢棄  
蓋詩以境殊非復吟風弄月之舊矣

上巳同劉紫仙吳中林趙端人汪西顥萬循初胡文  
錫登稽古寺藏經閣晚過水西莊飲攬翠軒

清風徐來遲日妍絳桃初發花欲然城西草色綠如翦迷  
離遮斷陌與阡一抹青煙繡平野超塵域近同駐馬雜樹

蒙茸積翠陰慈雲朵朵垂檐下傑閣巍峩碧漢高俛窺萬  
戶明秋毫鈴聲滿耳眾籟寂市近未覺人喧嘈梵宇重重  
耀白日莊嚴百寶魚鱗密世界憑誰悟大千吾徒數備竹  
林七粵稽白馬止鴻臚寺名從此屬浮屠度人何止鹿羊  
車圓通自有智慧珠水西另闢清幽境賓從往往轄投井  
酒中仙惡醉逃禪長齋之客緣未請當筵又見日西斜分  
杯插羽飛流霞興酣各趁婆娑舞聽我長歌且勿譁君不  
見河水金人爭掌故蘭亭遺蹟空山路往事多聞虞哲爭  
盛名只有孫王序何如痛飲青絲瓶高談兀傲傾平生燭  
花如豆當花照未許城門報一更

八日過周月東卜硯山房觀鄭簠八分小篆册子用  
杜少陵李潮八分小篆歌韻

春莫初報布七葉春冰漸薄如秋雲盡說今年春暖早疎  
梅已報香三分呼朋共走卜硯宅主人好古徵博聞叢聚  
蟲書似蚪蚪眼明贗本留其真就中篆隸擅造化夜應泣  
鬼畫駭神開函已識谷口筆徐觀愈覺心魂親想當揮灑  
日特立無與鄰風流既往不復得至今縑帛思其人近來  
嗜好多皮相燕瘦環肥異趨向莫如吾友衡鑒精是否加  
之項誰強直沽水黑孰竝肩朱大導江墨蹟壯二子風力  
咸豪宕與鄭誠堪稱輩行斜陽忽在戶飲酒還高歌歌成  
聊復就君問問我詩中意如何

紫丁香花歌爲杭大宗編修賦

春陽作暄花事穠萬卉爭光鬪嬌嫵媽紅姹紫紛陸離如  
火如荼塞亭園就中丁香尤麗都李俗桃輕迴難伍我家

結廬城南鄉曠者宜田奧宜宇茲花開日春正妍不惜樽  
罍醉簫鼓今年春作城中游軋軋雙輪碾塵土臨風招悵  
歸去遲竊恐飛英落如雨松吹先生我故人庭有名花恰  
當戶登堂靜對娟娟容彷彿南鄉花乍吐高枝似裊紫玉  
煙低影還如紫雲舞柔肌纖骨不勝狀細眼明眸疑欲語  
蒙茸亂藥笑紫荊更比紫薇重難舉羨君深院金屋同貯  
此娉婷十三女看花有客昨朝來聞道吟聲滿環堵惜哉  
良會小差池未及花前倒清醕繁華盡逐風波流已去韶  
光喚誰補先生高致超尋常一室從容考今古晨昏坐臥  
清香生身與名花合稱主此花自昔少留題喜見詩成羣  
玉府牀頭如輯種樹書應採瑤章入花譜

春夜曲和心穀伯兄



凝香不散重簾靜簾外縱橫聚花影薄寒猶解翦紅衣一  
曲珊珊鉤正冷隔院微聞絃索鳴嘈嘈切切遽含情美人  
自學翻新調不作當時子夜聲光陰荏苒如飛電海水東  
流無日轉遵渚初傳歸塞鴻雕梁又欲棲吳燕棲吳燕春  
將晚庭下殘紅吹漸滿秉燭狂游惜歲華露華浸透羅衫  
短何處清歌聲未已蓮花杓小傾芳醴更籌幾換唳鳥起  
月落西南淡如水

中元登海光寺樓寫望同張鴻齋汪西顥陳江皋萬  
循初分賦得八庚

暑退涼初至登樓客思清魚簾橋外密稻隴寺前平雲起  
連潮色風過帶磬聲佛香吹不斷斜日射孤城

雪中丁字沾待渡

角飛城外雪正飛丁字沽邊人渡稀  
遙天一望寒雲白村  
村矮屋藏煙扉尋梅獨向雪中走  
呼渡不來空袖手憑誰  
寫我待渡圖戴笠披蓑臨渡口  
疎柳棲鴉叫不休滔滔河  
水雜冰流酸風刺面吹愈急  
隔岸漁簪帶雪收

春夜苔花館聽楊天益彈琴

戚戚復戚戚空階夜岑寂  
山人抱琴同月來月光入戶琴  
聲哀起如十二峯頭雲乍散  
孤猿三叫悲腸斷止如十八  
灘頭水潺湲落雁一聲念離羣  
我琴無絃桐梓綠化作孤  
生嶰谷竹感君慰我良宵愁  
更奏人閒離別曲吁嗟乎山  
人爾琴誠太悲慎勿再彈烏  
夜嘯慎勿再彈雉朝飛

雨後游王氏懺園

溼雲涵西山薄晚蒼翠隔麗街  
秋雨疎雨止日未夕言尋

槐市圍蹴踘振瘦策入門見頽垣斜照在瓦礫蟬聲斷續  
長樹影參差碧徑草欲齊肩苔痕沒高屐孤亭一徙倚涼  
思滿蘿薜自足滌煩襟誰信炎暑赫微風動絺衣喬木感  
疇昔舊慕辟疆名今慚子敬跡

曉出茂州北門歷雙溪口陟土地嶺

曉出茂郡城亂山峙屏障沙徑多轉折東指復北向山腳  
匯雙流石漱桃花浪緣溪策馬行登陟窮怪狀迢迢嶺路  
遙竹青徧山放寒翠吐晴煙渺似春陰釀盤旋到嶺頭孤  
雲低可傍回首見九峯雪朗神氣王地僻少人過振衣獨  
俯仰嘯聲落虛空興逸心逾曠

風雪中過小直固山

上下幾千尋盤旋數十里人行向雲端馬行在雪裏不識

山徑高惟見寒光起長林白滿溝空谷響凍水糧夫最屬  
來如蟻轉磨齒俯驚萬丈阬一墮駭無底我方仗輿丁兩  
肩託生死皇天本大慈兵事會當止

爲顧備九孝廉寄題補溪芙蓉莊

芙蓉莊有明顧松

常熟補溪西三里補溪在虞山之東四十里平橋  
曲水絕類輞川三統隈叢楠芙蓉故以芙蓉名莊松  
菴爲宋處士顧細翁六世孫由烏程簿遷雲和令  
以平處州劇盜有功遂擢守處州未任卒莊有紹  
豆樹結子名相思子爲細翁手植樹旁立翁祠明  
末莊歸某尙書繼復歸顧氏今孝廉備九松菴裔  
也孫

涉江未采江南香長歌爲詠芙蓉莊芙蓉莊新梅里古遠  
隔春申黃歇墅虞山東去補溪西客來問花先訪溪污泥  
不染波如劃君家世世原清白陽冰作吏在縉雲君家鄰  
縣稱神君劇盜就誅同斬草御史書功上上考一麾出守

卽本州惜哉未展平生籌流傳別業重鄉里一樹相思常  
結子祠堂霜露薦蘋蘩平泉偶築尙書園尙書詩編紅豆  
集不記誰種鸚鵡粒轉電光陰感歲華芙蓉仍作故園花  
折花笑問芙蓉主花譜何如治縣譜

家立功姪過陶然亭看雪

雪聲一夜鳴天籟雪滿城中復城外曉風嘶馬入城行暮  
出城門雪未晴諸公好事耽吟興同上危亭尋曲徑後來  
笑我登臨遲不知晚景看尤奇松林何冉冉寒鴉飛點點  
茅屋何斜斜寒犬吠家家微茫略識西山岫倚檻蕭蕭籠  
兩袖爲問圍鑪煮雪人何如載酒雪中逗是日李向叔家  
堯卿並畏寒不  
至雪光浮白夜色催琉璃地照琉璃杯陶然亭卽無垢國  
遠勝羅浮萬樹梅

贈王崑霞道士

曾住齊雲第幾峯何年北上寄游蹤名從白社吟中得

謂金

臺倡和集人在黃花冷處逢垂老心情同野鶴未衰筋力付孤

筇一囊斜挂秋風裏徧踏天涯訪赤松

金川歸化恭紀一百韻

岷山西番夷接壤大金川其

官近歲乃侵軼鄰番負其險阻梗化不悛乾隆戊辰冬上命上相經略之翦其黨與番酋震懼乞降遂班師也初因蜀塞用兵滇黔諸郡吏多調事軍需臣禮曾以戶曹郎發滇襄事旋因奏凱停往隨改粵西郡丞竊以日觀清晏之祥躬際昇平之化敬陳百韻聊代擊壤之歌云爾

帝德恢無外皇慈格有苗山高憑箭定詩美詠弓昭卉服  
齊通禹垂裳盡仰堯禮成行禰禡樂奏制咸韶勳業垂青  
汗聲靈怒赤燁信知憐趨兔不僅變飛鵑隴蜀疆隅廣西  
南險阻饒微盧周代助邛笮漢時朝羌莢長馳後羈縻歷

世遙民風徵象譯使節遣星軺玉壘森千嶂金川渺一嶠  
予來曾號赤蟲細合名么錄耳斑衣倩雕題翠髮影從征  
爰共執受職寵仍邀居逸偏多戾潛深敢自驕鄰邦兼狎  
侮接壤遂攻剽戢戢蟻緣介遠遼犬走彘逋逃甘聚藪烽  
燧漫侵宵化外難文告安邊戒動搖我思和以劑彼病渴  
於瘠嶠險圍應頓巢危焚必焦徵兵掃蠹蠊分將靖僬僥  
尙爾矜超距居然扞采樵窮魚誇撥刺首鼠恃踣跳堅守  
騰飢虎煩謀聚沸蜩老師空擐甲曠日但鳴刁聖武殷甯  
宇軍威重建標合符士盡厲設旒騎皆驍上相懷孤憤中  
誠冠百僚請行初日皎承命北風颺華轂皇躬擁芳羹御  
手調百壺樽溢蟻三錫劍裝珧端拱臨軒檻精禋告廟祧  
陸辭溫似纈旆出疾如飈師保咸攀柳天潢亦駐鑣共期

歸轡速早慶寒氛消皇驛征無滯河壘度更遼計程煙杏  
杳冒冷雪瀟瀟燕嶺纔前夜秦關又詰朝奔馳勒任絕章  
奏燭頻銷眷遇交中使精勤勵後凋甘分廚下膳俊賜射  
前鵬慰問勞俱忘都俞福共徼休光誠藹吉佳氣自清寥  
叱馭凌千仞連營遠七橋需糧運木馬涉水棄泥橈石磴  
牽修綆皮船勝小船寒峯指掌蕓霜氣淨炎歊中鵠須穿  
目呼盧在得梟貪狼徒肆狡文雉敢呈嬌駢首姦同戮傾  
心眾不囂懸旌遮夕照飛礮震雲霄喻害蟲皆賊如耘蕝  
是穠訴哀身願縛乞命語維曉將令宣乘銳軍心誓陷妖  
墨痕浮盾鼻鵠響急弓滿天子恩真湛東風律轉條有嗟  
崑玉燼不尙血流漂一面開羅網連村保領腰惠方周骨  
體澤已徧天喬懋賞桓圭摺崇猷驚冕超勳宜休鬯秬棨



豈藉房椒瑞靄林開霧歎聲谷應潮連營環帶嶮猛帥越  
岩堯顧盼今通道周巡昨戰碣怪形驅魍魎醜類遁山魈  
壇建階墀築門開綵繡飄蛇行股竝栗虺伏首微翹六事  
嚴銅柱三章重斗杓感深顙屢撻悔極淚如澆表赤呈金  
賁杼丹奉玉瑤論功彰赫濯卻餽恤荒要稚女眉初黛童  
男髮尙髻立祠同社祭供佛比僧寮壁壘逡巡撤籓籬次  
第燒比鄰安故堵率士息征徭豹變開戎索鶴鳴返革輦  
依依循柳色款款踏蘭苕郊社虔遵豆園陵肅血膋成平  
深瘞玉峻極烈焚蕭盛事奎章製豐碑翠石雕焜煌垂有  
倬惕厲示無忮錫燕羅彝牟陪筵集珥貂騰揚徵舞蹈魚  
藻寓笳簫大賚周師集臚歡舜舞招卽今歌宴宴在昔夢  
迢迢撻伐高湯武謙沖過妣姚乾宮純孝備慈聖德輝昭

奉冊親呈表開筵后拂綸珎璜和殿幕紱綬映庭燎憶昨  
勤輸輓征車挂飲瓢風塵晨共發亭解夜堪僑聚米看山  
勢羣官用部挑掄材及檣櫟采論愧芻蕘郎署旋辭庾嶺  
池擬駕轎從征期慷慨同隊逐飄飄奏凱尋由蜀微臣改  
渡瀟待聽湘水瑟爲鼓楚江橈詩思惟迫柳居民竝治猺  
長歌懷北闕擊壤比風謠

采葛行

山頭種葛葛葉長山花落水溪流黃烏髻紅衫腳不襪蠻  
家少女面如月手裏鉤刀一尺橫截來織葛春雲輕爲郎  
作絲爲郎織衣成淨比秋霜色秋霜色春雲姿吳綾蜀錦  
知多少不及羅浮葛稱時

海陽山湘灘水源歌

我昔讀水經曾究湘灘流源出始安縣陽海山之陬涓涓  
始一脈觴泛乃爲舟盤盪導東北水分西嶺頭咫尺同源  
異千里北曰湘水南灘水湘過巴邱入於江灘至蒼梧注  
鬱止灘流水弱湘流強爲溯狂波築鐸觜刊鑿靈渠萬世  
功誰其作者秦臣史渠開水似天河傾因功謀利費經營  
續設陡門三十六隄埽壩蓄如屯兵往來自此邀其惠楚  
粵舟航咸利濟人工不若天生成安得移山重疊砌乾隆  
甲戌九月秋上公撫字憂民憂羽書絡繹檄余往相度刻  
日工須鳩裹糧策馬走山麓先事窮源後修築興安境盡  
入靈川攀葛捫蘿歷幽谷一山突起矗大荒石骨嶙峋百  
丈強四圍無嶂亦無岫居民指此卽海陽山腳嵌空挂鐘  
乳下有清泉巖口吐把火直入山腹中目擊潭光徹水府

神奸物怪不可求陰森氣逼聲颼颼然犀我恐幽明別遽  
竇豈堪人久留出巖叢棘鈎衣裂老樹古藤懸巖嶂披尋  
石壁獲二碑蘚蝕苔侵色似鐵摩挲漫讀馬陳文字蹟端  
道釵腳分速呼童子扣墨本天風颯颯飄秋雲嗚呼煙霞  
我固有深癖挾祕搜奇無虛夕湘灘於此結奇緣作歌記  
事鐫諸石

乳洞

臨源城西南山阜連峇峇十里村塢幽所歷如有獲乳洞  
最稱奇理我雙蠟屐步近玉溪橋耳根瀉澎湃洞門敞而  
圓鍾乳垂累百左右兩徑通中抱一泓碧泓水生巨潭潭  
光射千尺冬夏不涸流綠淨浮鮮鯽二橋接方壇壇平堪  
布席濯足俯清泉恐擾蛟龍宅憑眺豁雙眸浩蕩拓胸膈

萬象皆澄空身若與凡隔洞尾石成田仙蹟開阡陌惟當  
種石芝灌之以石液巖口多摩崖年深苔蘚積我固好事  
者古人亦同癖歲月易云遷對景悲過客搜剔石湖句徘徊  
感今昔出洞復入洞磴道陡且窄雲氣冷逼人滃鬱沾  
衣白最高洞腹廣陽崖當戶圻披榛拾級登煙霞棲亂石  
山下藏花宮森森圍翠柏紺壁沿深礀軒窗倍靜僻暝色  
澹遙岑鳥歸送日夕秋風振疎林落葉聲策策

登鰲背山塔

峨峨鰲背山突兀江心峙浮圖插其巔直向雲霄起放舟  
泊山根黛色落秋水磴道盤嶢巖天風忽可倚獨立斤流  
中孤標瘴煙裏驚濤撼不動鰲足入地底俯聽猿嘯哀低  
看飛鳥止遙睇壺城閒蒼茫暮色紫旋轉礙雲過望望窮

千里巍然南天南萬古青無已

桃花口望西淀

裊娜春林煙吹青入河柳我乘桃花風又到桃花口縈迴  
西淀水一鏡映馬首啞啞歸塞鴻斷續落蘆葦微茫見漁  
艇遙羨煙波友青莎閒白蘋垂釣且飲酒西沽看漸近去  
夏憶分手別來半載餘相隔殊已久奔波慚淵淳蓬轉愧  
株守何當租沙田於焉種菱藕

張鳳孫字少儀江南華亭人副貢乾隆丙辰舉博學鴻  
詞辛未舉經學厯官雲南糧儲道有柏香書屋詩鈔

詩話少儀爲諸生時其尊人謫戍軍臺徒步入都爲  
父贖罪一時有三子之稱蓋云公子才子孝子也

儉堂餉水西莊紅菱走筆奉謝

江南六月看採菱荷衣雪腕輕橈憑錦帆涇裏掉煙入滿

身風露寒凌兢曼歌一聲蟾魄上紫莖綠葉牽朱繩十年  
書劍去鄉國鴛鴦舊夢空飛騰直沽旅食又長夏消渴不  
耐炎煖蒸水西主人辱存問側生五十筠籃承清香撲人  
光照眼奚奴觸手愁霜稜鶴留仙頂鸚爪細一彎茜影湘  
波凌玫瑰輕擘水仙佩玉膚映徹冰壺冰吳儂得此乃狂  
喜傳箋徧集諸賓朋古瓷擎出佐清讌涼颼淨掃窺盤蠅  
滄洲法釀瀉百斛靈池故實還同徵都忘蹤迹滯燕土但  
覺塵翳消胸膈哀梨縹李世豔稱蔗漿櫻實瓊筵登獨遺  
此品在煙水邈如釣瀨逃嚴陵天涯相賞有知己不辭千  
里扁舟乘孤根近託藕香榭白蘋掩映溪流澄芳鮮只供  
騷客嗜聲價豈要皇都增尊前一笑宛舊識領略風味當  
年曾願攜巾拂坐風檻嬌紅婉翠圍千層吳歛渺綿吳語

輓卜夜更命張華燈酒酣潑墨進吳諺春蚓十丈書枯藤  
永定河紀事

桑乾水方枯劣於一衣帶奔騰伏秋交淼若江河大土疏  
既善崩沙重復難汰俯仰百歲中經涂幾茫昧廟慮日夕  
紆詢謀集冠蓋往因橫決勢順導隄防外南村治網罟北  
堡載耒耜水土無全功居人半利害安流近三稔適與時  
運會慎初保厥終庶幾神永賚

河伯偶失馭威靈竊長鯨掀泥作波浪所過溝塍平方舟  
或乘屋木末有聚萍嗟哉蕩析人扶老提孩嬰片席挂隄  
柳巢居苟支撐遮道敢前訴顧畏吏怒瞠棄地昔有令謂  
無與水爭下愚性不移自與禍患并茫茫九州土那無尺  
寸耕河壩墾汙萊歲戀官租輕頓忘爲魚慮九死幸一生



願今服驅遣勿待二麥成

泉水已出山甯復論清濁生爲渾河官遑問泥塗辱荒解  
八九楹中宵忽顛覆婦孺出倉皇陂田立如鵠官作有嚴  
程胡能顧骨肉平時緩綢繆臨事苦督促畚畚敢後期薪  
芻奈弗屬弗屬葦代之急以竟此局天意未可知波濤日  
洄復慷慨慕前賢危隄不轉足千金未易償一死猶可贖  
功名蝸角微甯忍付蠻觸

沈彤字冠雲一字果堂吳江人諸生乾隆丙辰舉博學鴻詞有果堂集

詩話冠雲生有至性親歿三年不茹葷不內寢潛心經學所著周官祿田考精密淹通於鄭賈注疏後可云特出初從何義門游繼游儀封張清恪江陰楊文定之門中歲善方望溪精研三禮以與修一統志授官未就

幽蘭爲儀封先生作

幽蘭發空谷蔚爲王者香  
香風滿四野素姿凝清光  
脈脈含深情獨立遺眾芳  
何堪蕭與艾結交當道旁  
蕭艾滋露華幽蘭罹嚴霜  
光風一以轉採採充佩纓

贈陳諒直

陳子我畏友豪邁見天性  
弱冠同門牆才調便縱橫  
讀書具隻眼穿穴契賢聖  
上下三千年羣史歸心鏡  
暇時對朋好清風生塵柄  
往復期切劘古道人所敬  
晚來慕修養萬象歸一靜  
陶冶無故氣清心玉壺映  
當年抱朴子寡欲保妙命  
丹井一以洗雙燕往來輕  
自歎老更拙未脫人間穽  
對子一披襟流輩徒倂倂

贈陳和叔

大鵬負青天斥鷃笑不置飢驥馳千里驚駘飽還忤吾友  
湖海豪自少懷遠志讀書鄙訓詁往往通大義論史尤縱  
橫卓識拔前幟愁絕梁父吟管樂常健議高才肯折節傲  
骨取時忌長安初同徵嗜好與俗異西山賦崔嵬南國空  
返轡只今還落拓遊覽頗恣肆跌蕩公卿間不合輒掉臂  
男兒志垂名區區那足計寂寞勤著書豈爲覆瓿事何代  
無英雄窮達等遊戲

釣魚歌題凌支南真

愛釣非愛魚無魚心已足閑把一竿行迴塘汎秋綠

秋日呈靈臬先生

不奈秋寒乍中人暖風嘘拂坐生春品評自到丹青地車  
馬都勞侍從臣壯歲儒衣愁削跡今朝彩筆喜通神浩歌

京邑誰知己惟有宗工許卜鄰

南陽郊外看梅花

我有梅花癖郡齋迺無梅聞說東郊外一株橫水隈驅馬  
行十里見此繁花開薰日覺香暖藉草因銜杯憶我江鄉  
游到處花體皚春風起山谷香氣氤氳來月出寒光滋吟  
賞猶徘徊勝事今豈得聊慰飢渴懷

陳黃中字和叔吳縣人諸生乾隆丙辰舉博學鴻詞有  
東莊遺集

彭尺木曰先生自少通敏爲學長於史深究前代治  
亂往復所由以達於當世之務詞科被黜乃縱游南  
臨洞庭登衡山東浮錢塘入閩北馳驅燕齊河岱間  
年四十餘杜門著書無儔石儲居嘗恨宋史蕪紕是  
非混失平則發齋刪其繁累搜討兩宋先正舊聞折  
其中成宋史彙一百七十卷又著新唐書刊誤三卷  
國朝諡法考三卷殿閣部院年表  
六卷督撫年表六卷詩文集四卷

詩話和叔爲海甯陳文簡所薦訪以時政爲陳用人  
理則武備三事用人之目十曰分科取人曰慎擇舉  
主曰重名節曰辨邪正曰加俸曰汰冗曰寬法網曰  
覈名實曰懲貪曰酌道里以銓選財用之目六曰定  
旗制曰權錢幣曰興西北之水利曰輕征徭曰減漕  
粟曰定鹽政武備之目六曰謹邊防曰嚴海禁曰練  
士兵曰修軍器曰簡帥臣曰加月餉凡二十二篇今  
惟水利邊防練兵養兵四議存其上文簡書槩括大  
略語多切至彭尺木爲編集時有所諱忌輒空其行  
格至不可讀又與王次山侍御一書亦如是也父景  
雲字少章博聞疆識以儒術名吳中和叔輯遺著爲  
文道十書已刻者綱目訂誤四卷韓集點勘四卷通  
鑑胡注舉正一卷紀元要略二卷王蘭泉言和叔詩  
不多作尺木收而刻之未爲完本見其在長沙作五  
言排律六麻一百韻已失之矣

夜泊黃河口

永夜河聲壯扁舟客思孤山川雄雨戒漕粟擁千艦明月  
中流湧歸鴻隔岸呼一生江海意對此獨踟躕

西師

西師久屯逆胡殘詔語春溫湯網寬已有張騫通大夏不  
勞介子斬樓蘭庭犁青海空傳箭臂斷陰山更築壇長愧  
菰蘆無遠略賈生三表笑酸寒

程廷祚原名默字縣莊號青溪上元人諸生乾隆丙辰

舉博學鴻詞己巳舉經學有岫雲閣詩鈔

詩話縣莊深於經學兼綜漢宋一名一物剖析貫串  
求其精義惜抱序其書至爲推重兩被徵書皆未遇  
遯遠權貴人尤高之詩華  
實並茂不類經生家言

贈顧進士復初

憲廟昔臨御恩波覃八極渙汗其大號邱園交束帛維時  
承平久化成邁往昔里巷聞絃歌窮陬務修飭聞命各戒  
裝爭先赴上國儒冠旣戢戢征車復奕奕或懷隨侯珠或  
握荆山璧或披蘭若新或掣滄海碧鳴佩集丹陛心情接

虹霓就中星斗寒鉅儒出無錫讀書破萬卷性同杜氏癖  
著述窮歲年鑽研入無隙宣尼生周季仰窺王迹熄然後  
作春秋萬古垂法式筆削見是非義存三代直當時游夏  
輩欲贊空太息如何後世人無端奮私臆邱明見國史事  
實頗能核傳會雖有時網羅著勞績齊魯多陋儒厥惟高  
與赤鄒夾未有書莫由問得失三家遂鼎峙左氏仍後植  
自茲口說騰聖經嗟胸蝕功令尊胡氏學子守之墨首先  
革周正先聖甯蹙額一衷復一貶譁張令人惑褒貶本所  
無安用常唧唧忍使日月光蔽虧重雲黑先生蹙然興掃  
除不遺力百家咸披靡似用大師克煌煌大事表卷軸日  
盈積發憤闢闕文塵埃教蕩滌曲說從此廢禾稼驅螟螣  
上則考天時殷勤補長厯下則綜形勢聚米圖疆域僭禮

與敗度亂賊暨戎翟事事關大義臚列各就職載觀交兵  
篇往來正如織旌旗猶在眼開卷若憑軾晉楚爭夏盟宋  
鄭困行役向戌忽弭兵難免司城責五材民並用戒懼存  
法則霸統經再變王猷竟永塞人欲日橫流瞻烏更誰適  
竊取有深意肯令鯁生識君書出雖晚重到杏壇側鐘磬  
鏗然鳴清音動四壁憶昔鴻訓徵余亦預末席客居郊壇  
西頗愛厥境僻涼風下庭梧朝昏玩義畫冥會待懸解忽  
然塵慮釋與君偕罷歸十載卧泉石著書曩未成今也喜  
大獲假令留青瑣茲業諒俱寂深荷皇天慈慨然增感激

武林懷古

一自休兵國怨除君王酣醉九重居雲開鳳嶺笙歌滿夢  
冷龍城驛使疎海日忽驚宮漏盡春潮猶笑將壇虛誰知



立馬吳山客不惜千金買諫書

馬曰琯字秋玉號嶰谷祁門人乾隆丙辰舉博學鴻詞  
有沙河逸老集

詩話嶰谷與弟半樵以業鎡居祁上尙風雅廣交游  
家有小玲瓏山館藏書最富與杭堇浦厲太鴻陳授  
衣姚玉裁諸君爲友枕藉旣深錯磨  
相益詩蕭閒澹遠雅興諸君相近

題方祁鶴琴鶴送秋圖

一聲鶴唳沆寥天坐對高空思渺然  
試向孤亭彈別調白雲黃葉滿山前

輓許卯君

十上知稀一哭回文窮翻令此身摧  
空餘秋卷搜行篋那復春卿解拾才  
淪沒已無仙桂分淒涼贏得酒壚哀  
不辭雪涕爲君語及第由來慰夜臺

追涼示四弟半查

追涼到處與兄連  
竹榻生衣尙宛然  
覆局每當疎雨後  
論書多在晚風前  
丹鉛手勘留三傳  
茶荈孤傾已十年  
今夜臺應太息  
謝家羣從總華顛

霍家橋道中和竹町韻

車鳴十五里南郭  
且閒尋冷翠風前  
亂古香雲外  
侵人因吟秀句  
天爲寫寒林  
更待來朝雪  
平田一尺深

擬復竹西亭和泝江太史

邗溝東畔竹西亭  
歲歲尋游感廢興  
細雨斜廊還有井  
夕陽秋寺欲無僧  
幾時碧玉圍千箇  
依舊紅欄覆兩層  
收取江南煙樹色  
蒼茫祇借一枝藤

馬曰璐字佩兮號半槎祁門人乾隆丙辰舉博學鴻詞

有南齋集

詩話半槎家藏朱碧山銀槎飲僅及其半遂以自號藏書好客與其兄齊名

半山看桃花

山光燄燄映明霞燕子低飛掠酒家紅影倒溪流不去始知春水戀桃花

七夕泝江太史招集篠園

暑氣消殘露氣浮晚涼高樹繫輕舟荷承翠雨虛亭靜月挂微雲水閣秋天上佳期無別緒人生清味是同游杯深不覺憑欄久河影星光共一樓

易宗瀛字公仙號島民湘鄉人乾隆丙辰舉博學鴻詞官浙江鹽大使有翠濤書屋集

詩話公仙及其弟公申皆客慎靖郡王邸丙辰舉大科未入選紫瓊集中有送公仙詩句云揚州遠在天

之涯悲君萬里不還家蓋公仙仍還  
越中故官故又以白首爲郎相況也

舟過銅官渚

老杜題詩處今來一櫂過曉山紅不定秋水澹初波浪跡  
愁鷗驚高吟記薜蘿布帆風正便回首白雲多

紫荊道中

四圍山色裏徑踏亂流分藜杖閒黃叟松聲冷綠雲高煙  
雙鳥沒落日一人耕解悟林泉意幽光肅聽聞

易宗浚字公申號實庵湘鄉人監生乾隆丙辰舉博學鴻詞

有半霞樓詩集

詩話丙辰大科湖南應徵者十三人善化劉世澍  
澤武陵陳長鎮胡期頤甯鄧王文清常甯段梧生巴  
陵許伯政華容王元祁陽鄧獻璋陳世賢世清  
及易氏兄弟視已未僅王山長一人相去遠矣

軍山晚望

拾級窮山頂登臨俯大荒江流日浩蕩煙樹晚微茫棲鳥  
投深靄歸舟爭夕陽振衣還一嘯餘韻落高岡

慎邸賜詩送行恭和留別

五載王門久曳裾草茅筆札愧相如擊銅東閣朝分韻剪  
燭西堂夜校書儉腹每虛前席問菲材多負築臺居瀕行  
尙訂春初約多恐疏慵賦遂初

陳景中字又方號橘洲漢軍旗人官同知乾隆丙辰舉  
博學鴻詞

雨後西山晚發

疏雨過空山涼風吹路乾草深人蹟亂春嫩馬蹏寒萬戶  
炊煙動一鞭雲影殘逶迤東望處日色滿長安

經王氏故居

零落山陰宅經過感昔游雨荒春草亂風散野雲流十五  
年來事淒涼夢不休無端新燕子猶上故時樓

晚晴移詩匯卷七十二終